


傷寒表

圖序附
色氏叢書之二

吉卿署答



民國四年九月初版

一冊定價大洋四角

者包識生

印創者

神州醫藥書報社

總發行所



神州醫藥書報社

序

嘗聞火隱于石。非敲不見。泉伏於地。非掘不流。倘無敲掘之者。則亦萬古千秋。終於石中地中而已。然敲之不善。火不發現。掘之不力。泉不盡流。此敲掘者之咎。而非石與地之咎也。豈知理之顯也有其時。時之至也有其人。如石鼓文之註釋百餘家。至後人而音訓攷正著焉。玉尺經之混淆數百年。至後世而地理辨正出焉。蓋創造者彼一時。發明者此一時。前後歷數千年。一若待其人而後行者。非虛言也。今者歐風漸被。國粹將亡。揚西者不復揚中。喜新者幾無喜古。斯何時乎。非否極則泰之時乎。苟無人以振作於其間。我中國聖經賢傳。幾湮沒於斷簡殘篇間矣。今有包君識生者。見中邦之醫學黑暗堪憐。仲聖之真傳。幽光未發。幸先生家學淵源。克承手澤。先師衣鉢。獨得心傳。茲將所著傷寒講義諸書。付梓行世。是書一出。彼叔和之

釣譽沽名。修園之遺經背旨。經先生數十年面壁之功。索其隱而
 闡其微。得以傷寒經旨。晦而復明。潛而復出。猶石與地之善敲善掘。
 而能事見矣。是書也。實大有造於天下者也。爰爲之喜而爲之序。
 民國三年多月

雲間查鳳岡貢甫氏拜撰



傷寒序

包一虛識生氏著

傷寒論一書。世尙久矣。諸前賢稱曰聖書。以爲扁鵲倉公無以加焉。後之學者。莫不奉爲矩範。但其文義古簡。不類尋常。若非上智靈敏。終難洞悉其理。所以精斯道者。歷代無聞。痛夫。先師已後。此論塵封。作註者。數十百家。互相爭訟。皆不能闡明其旨。行道者。幾千萬人。緣儒入墨。鮮有成道之徒。或疑原書失散。卷帙不全。或疑兵燹殘篇。文次已經遺亂。於是無學之徒。各創臆說。移多就少。刪減增加。類表類攻。并寒并熱。竟將我神農黃帝遺下。歷代相承。漢醫聖張仲景先師。濟世救民之書。傷寒論。湮沒千餘載。遂使真學失傳。庸書日盛。醫術日形退化。以致弱種弱國。有由來也。嗚乎。先師仲景。生於漢季亂離之際。疫禍兵災。頻年不已。目宗族成千之衆。建安紀年以來。猶未十稔。死亡者。三分有二。向餘二百而已。因疫傷寒而死者。十居其七。感

往昔之淪喪。傷橫夭之莫救。乃作傷寒雜病論。匡救當時。垂教後世。晉之叔和。作辨脉平脉傷寒例。三篇於首。附汗吐下宜忌八篇於後。欲使學者易讀之意。宋成無已。不分玉石。概作註之。誤寫叔和編次。元明以降之醫。作註者日多。讀其前後之文。迥異。以爲叔和編次遺亂。各是其說。擅改經文。後者貶前。莫宗一是。惟最近名醫。陳氏修園。頗有見解。遵成氏創註之本。刪去叔和前後所附八篇。於是一卷白玉無瑕。活人至寶之書。復見於世。惜乎。陳氏雖刪去叔和之序例。而傷寒真義。毫無發明。大道茫茫。如璧在璞。讀者無味。用者不靈。裹足不前。轉習時書者衆。虛束髮受書。家君訓以傷寒論。手抄無註白文。聽訟六寒暑。研究八春秋。十餘載。煞費苦心。專門是道。頗知傷寒之奧。遂作傷寒表一卷。八篇。二十四例。五十章。三百九十七法。次序炳然。聖經復燦。自非才高識妙。豈能探其理致哉。夫農黃之學。書於內

經本草傳於長桑扁鵲。統于先師仲景。作傷寒論。爲方書之祖。據天人合化之理而論。非臨症彙集之書也。總凡三百九十七法。數法同症者曰章。數章同病者曰例。數例同經者曰篇。傷寒論凡八篇。自太陽、陽明、少陽。以致太陰、少陰、厥陰。霍亂、陰陽易、差後勞復。爲六經經氣相傳。及後天先天之序也。

太陽篇凡十例。

曰太陽病總論例。凡一章。所論六淫之邪。傷寒之總論者也。

曰表病五規總論章。凡十一法。所論太陽病諸法之總論者也。

曰表病風寒五規例。凡七章。所論風寒之邪。中傷頭項表病者也。

曰表虛陽病表裏傳章。凡十二法。以桂枝湯諸方。治頭項中風虛症。及傳入少陰者也。

曰表虛陰病表裏傳章。凡六法。以桂麻合劑諸方。治頭項傷寒

虛症。及傳入少陰者也。

曰表實陽病經氣傳章。凡四法。以葛根湯諸方。治頭項中風實症。及傳入陽明少陽者也。

曰表實陰病經氣傳章。凡三法。以麻黃湯諸方。治頭項傷寒實症。及傳入陽明少陽者也。

曰陰陽邪化反形章。凡四法。以大小青龍諸方。治頭項風寒實症。風化爲寒。寒化爲風者也。

曰虛從實反章。凡七法。以桂枝湯。麻黃湯。治頭項風寒之病。一虛一實。一從一反之治法者也。

曰脉症相似假真章。凡九法。以桂枝湯。麻黃湯。治頭項風寒之病。有真虛假虛。真實假實之脉症。一補一攻之治法者也。

曰表病救誤禁誤治法例。凡四章。所論頭項表病汗下已誤治者。有

救誤之法。未誤治者。有禁其誤治之法。汗下治法。有先後不同也。

曰表病誤治。臟腑諸傷章。凡十三法。以乾薑附子湯。新加湯。麻杏甘膏湯。桂枝甘草湯。苓桂草棗湯。樸薑夏草人參湯。苓桂朮甘湯。芍藥甘草附子湯。茯苓四逆湯。調胃承氣湯。治其汗下誤傷陰陽臟腑表裏經氣者也。

曰三焦三部陰陽傷章。凡十三法。以五苓散。治誤傷三焦諸陽。梔子豉湯。治誤傷三部諸陰者也。

曰諸虛家禁汗章。凡八法。以真武湯之法。統治上中下焦營衛陰陽諸虛者也。

曰治法先後章。凡五法。以四逆桂枝比論。治法有先救裏。後救表。先治表。後治裏者也。

曰半表裏病例。凡一章。所論風寒之邪。中傷頸項脇下半表半裏者。

也。

曰半表裏病陰陽邪表裏經氣傳章。凡十六法。以桂枝湯。小柴胡湯。小建中湯。大柴胡湯。治頸項脇下中風傷寒表裏經氣虛實之病者也。

曰半表裏病救誤禁誤例。凡二章。所論頸項脇下半表裏病。火吐誤治者也。

曰火誤諸傷禁誤章。凡十一法。以救逆湯。治火誤陽裏諸病。桂枝加桂湯。桂枝甘草龍骨牡蠣湯。治火誤陽表諸病者也。

曰吐誤諸傷禁誤章。凡四法。以溫胃之法。治其吐誤虛症。以調胃承氣湯。治其吐誤實症者也。

曰裏病例。凡五章。所論風寒之邪。中傷胸腹裏病者也。

曰表病裏傳陰陽邪結下部章。凡四法。以抵當湯。治風寒之邪

結在下部少腹者也。

曰表病裏傳陽結上部章。凡十三法。以陷胸諸湯。治風邪結在上部胸上。六經之病者也。

曰假陽結章。凡八法。以五苓陷胸白散三方。治其寒結。以肺俞肝俞期門三穴。治其熱結。以柴胡治其血結。以柴胡加減。治其氣結。假結胸者也。

曰表病裏傳陰結中部章。凡十六法。以半夏瀉心湯。十棗湯。大黃黃連瀉心湯。附子瀉心湯。五苓散。生姜瀉心湯。甘草瀉心湯。赤石脂禹餘糧湯。旋覆代赭石湯。麻杏甘膏湯。桂枝人參湯。大柴胡湯諸方。治其陰邪結在中部腹中。六經氣水之病者也。

曰假陰結章。凡二法。以瓜蒂散。治其邪結假結痞者也。

曰暑病例。凡一章。所論暑邪傷太陽者也。

曰暑病章。凡三法。以白虎加參湯。治暑傷表裏之病者也。

曰火病例。凡一章。所論火邪傷太陽者也。

曰火病章。凡三法。以黃芩湯。黃連湯加減。治火傷樞開闔者也。

曰溼病例。凡一章。所論溼邪傷太陽者也。

曰溼病章。凡二法。以桂枝附子湯。甘草附子湯。治風溼寒溼者也。

曰燥病例。凡一章。所論燥邪傷太陽者也。

曰燥病章。凡三法。以白虎湯。炙甘草湯。治燥邪傷表傷裏者也。

陽明篇凡四例。

曰陽明病總論例。凡一章。所論表邪傳裏之總論者也。

曰裏病總論章。凡二十九法。所論陽明病之總論者也。

曰燥金表病虛實例。凡三章。所論燥邪在表。虛實之病者也。

曰少太正三綱燥病章。凡三法。以調胃承氣。小承氣。大承氣三湯。治少陽太陽陽明燥病者也。

曰燥傷神病章。凡十三法。以承氣湯。白虎湯。梔子豉湯。猪苓湯。治三陽三焦譫語之病者也。

曰燥病三陽虛實章。凡二十法。以四逆湯。梔子豉湯。小柴胡湯。蜜煎導法。桂枝湯。麻黃湯。茵陳蒿湯。抵當湯。治陽明少陽太陽虛實燥病者也。

曰燥金裏症虛實例。凡三章。所論燥邪在裏虛實之病者也。

曰燥傷形病章。凡五法。以大承氣湯。治胃腸燥屎之病者也。

曰燥病陽虛陽亡陽實章。凡八法。以五苓散。麻仁丸。調胃承氣。

小承氣諸湯。治胃府虛實燥病者也。

曰六經燥病章。凡七法。以大承氣湯。抵當湯。治六經燥病歸府。

者也。

曰燥病表裏相傳溼病例。凡一章。所論陽明傳入太陰之病者也。

曰溼病章。凡四法。以茵陳蒿湯。梔子蘘皮湯。麻黃連翹赤小豆湯。治表裏濕病者也。

少陽篇凡一例。

曰少陽病總論例。凡一章。所論表邪傳入半表裏之總論也。

曰半表裏病總論章。凡九法。以柴胡湯。治少陽火病風寒之邪者也。

太陰篇凡一例。

曰太陰病總論例。凡一章。所論表病傳入太陰脾臟者也。

曰太陰病總論章。凡八法。以桂枝湯。桂枝加芍藥湯。桂枝加大黃湯。治太陰表裏虛實之病者也。

少陰篇凡二例。

曰少陰病總論例。凡一章。所論表病傳入少陰心腎者也。

曰少陰水火總論例。凡二十法。所論心火腎水諸病之總論者也。

曰少陰水火虛實例。凡四章。所論心腎虛實之病者也。

曰水火標本病章。凡五法。以麻黃附子細辛湯。麻黃附子甘草湯。黃連阿膠湯。附子湯。治其水火表裏之病者也。

曰水火三焦病章。凡八法。以桃花湯。吳茱萸湯。豬膚湯。桔梗湯。苦酒湯。半夏散及湯。治其水火傷三焦諸病者也。

曰水火涉經下利章。凡六法。以白通湯。白通加胆。真武湯。通脉四逆湯。四逆散。豬苓湯。治其水火傷六經之病者也。

曰水火竭滅章。凡六法。以大承氣湯。四逆湯。治其水竭火滅之

病者也。

厥陰篇凡三例。

曰厥陰病總論例。凡一章。所論表病傳入厥陰肝臟者也。

曰厥陰病總論章。凡十二法。所論肝臟諸病之總論也。

曰厥病出入熱厥例。凡三章。所論肝氣爲病。出熱入厥者也。

曰熱厥生死章。以烏梅丸。治厥病出入熱厥從本者也。

曰熱厥六經章。凡六法。以白虎湯。當歸四逆湯。四逆湯。治六經熱厥之病者也。

曰熱厥三部邪水血章。凡三法。以瓜蒂散。茯苓甘草湯。麻黃升麻湯。治上中下三部邪水血厥之病者也。

曰厥病下上利嘔例。凡四章。所論肝氣爲病。下利上嘔者也。

曰厥陰下利六經總論章。凡七法。以乾薑連芩人參湯。治厥病

下上利嘔從中者也。

曰五臟利脉生死章。凡五法。所論厥病下利生死脉症也。

曰六氣爲利章。凡六法。以四逆湯。白頭翁湯。小承氣湯。梔子豉湯。治其厥病下利涉六經者也。

曰上逆嘔噦章。凡六法。以四逆湯。吳茱萸湯。小柴胡湯。治嘔噦虛實之病者也。

霍亂篇凡一例

曰霍亂總論例。凡一章。所論風寒傷後天之病者也。

曰霍亂總論章。凡十一法。以四逆加參湯。五苓散。理中丸。桂枝湯。四逆湯。通脉四逆加胆湯。治霍亂虛實之病。及傳入太陰少陰厥陰者也。

陰陽易差後勞復篇。凡二例。